
**PROTOKOLL DER GENERALVERSAMMLUNG VOM
13. März 2026
BISTRO 94, BUTTIKON**

Traktanden

1. Begrüssung
2. Wahl von zwei Stimmenzählern
3. Protokoll der letzten GV
4. Jahresrechnung 2025
5. Budget 2026
6. Jahresbericht der Präsidentin
7. Anträge der Mitglieder
8. Wahlen
9. Jahresprogramm
10. Verschiedenes

1. Begrüssung

Stefanie begrüsst alle anwesenden. Speziell begrüsst werden unser ehemaliger Präsident Erich Schirmer, der Präsident des EVS Toni Ruoss, Bezirksrätin Yvonne Dobler und Gemeinderätin Nadia von Holzen. Es sind 48 Einwohner und Einwohnerinnen anwesend.

2. Wahl von zwei Stimmenzählern

Nadja de Biase und Roman Burtschi werden als Stimmenzähler vorgeschlagen und einstimmig gewählt.

3. Protokoll der letzten GV

Das Protokoll wird einstimmig angenommen.

4. Jahresrechnung 2025

Andrea Bruhin erläutert die Jahresrechnung 2025.

Total Einnahmen 11`369.02 CHF

Total Ausgaben 15`128.57 CHF

Verlust -3`759.55 CHF

Bericht der Revisoren erfolgt. Jenny Lerch empfiehlt den Anwesenden die Jahresrechnung 2025 anzunehmen.

Die Versammlung nimmt die Jahresrechnung 2025 einstimmig ab.

5. Budget

Für das Jahr 2026 werden Einnahmen von 17'000.- CHF und Ausgaben von 12'500.- CHF budgetiert. Somit wird ein Gewinn von 4'500.- CHF erwartet.

6. Jahresbericht des Präsidenten

Am 29.05.2025 a Uffert

Händ mir mit äm Iwohnerverein Schübelach dörfe wieder de Risotto -Plausch usfüähre.

Zwei Dörfer eis Menü und äs mega Kuechebuffet.

Herzliche Dank fürs bache.

Hand in Hand und mit viel guete Lune händ mir eus über so viel Gest chöne erfreue.

Stimmig und s Wätter het nöd besser chönä si.

Herzliche Dank a All wo cho sind und diä viele Hälfer.

Druf folgend hämer arbete gha ufem Spielplatz.

Er hät ä schöni Spielplatztafle übercho,

und dä Rutschurm isch fachmännisch zerleit worde.

Auf die Plätze fertig los Vorbereitige ufs Summerfäst laufet au scho.

Durch diä Zahlreiche Hälfer und Hälferinne händ mir eus entschiede, dass all wo am Iwohnerverein hälfet, söllet äs T-Shirt übercho und so händ mir de Entschluss gfasst eus mit blaue Polo Shirt iz chleide.

Am 4. Juli 2025 isch äs dä au sowiet gsi.

Mir händ euses Fäst wieder dörfe ufem Lehmann Areal organisiere. Herzliche Dank.

Zahlrichi Hälfer sind schnell organisiert gsi und Bäckermeisterinne und Meister händ eus wieder mega feini Dessert härezauberet.

Au d Harmonie Musik hät eus letschti Jahr wieder unterstützt nöd nur musikalisch sondern au mit viel Verständnis und Humor als gmerkt händ ich bin nöd diä gross Rednerin vor Publikum.

Sie werdet au da Jahr eus musikalisch unterhalte.

Bis it Morgestund isch gsunge und tanz worde mit de musikalisch unterhaltig vom Geri Knobel.

Es hät eifach alles passet, d guetussehende Gest d flippig Musig und diä junge wilde Hälfer.

Mir freuet eus wieder uf das Summerfest.

Spielplatz zum 2te.

Natürlich det wo d Rutschi gstande isch chunt ä neui häre mit Sicherigsgländer.

Für das hämer Löcher usgschuflet und mit Beton gfüllt,

leider sind mir s wenig starch gsi um de Turm i dieä Löcher s lupfe und eus isch EW s Hilf cho.

Ä richtigi Hilf, i wüsst nöd wiämer da sust gstämmt hettet.

Womer bim Thema sind:

Zwei Persone möchte i das Jahr ehre wo immer guet uf de Spielplatz lueget, das alles mit rächte Dinge vor sich gaht und au de Rase gmähet isch. De Hans Furrer und dä Edi Anderegg

Im Name vom Iwohnerverein möchte ich euch ä chlines Dankeschön Presänt überreiche als wertschätzig für eure Dienst.

Als nächstes hämer eusi Homepage fertiggestaltet.

Ich find sie mega und übersichtlich für all wo nanig druf gsi sind, gönd doch mal gah inä güggle und gäbet eus äs Feedback.

Am 21. U. 22. November

Hämer eusi Wiehnachtsbelüchtig montiert und am 03.Januar.2025 abmondiert.

Also über d Wetterverhältnisse chömer nöd klage,

pünktlich immer ufs mondiere oder abmondiere chunts gah stürme, ragne oder schniä.

Darum werdet diä einte immer ifallsricher und chömet sogar mit de Taucherbrülle. Wiä seit mär, äs git kei schlächts Wätter nud schlächti Kleider.

Liäbe Andreas herzliche Dank a dich für diä spontane Hälferisätz all diä Jahre.

So jetzt chum i au zum Schluss vo dem Jahr.

Ich möchte am Iwohnerverein Schübelbach herzlich gratuliere für Ihri mediä Presänz i de Fasnachtszitige.

Sogar Lachner händ ihri Wietsicht us de 20 er Zone gwagt und eu erwähnt.

Ich bin gespannt was i dem Johr so alles passiert.

Somit ha ich mini churz zämefassig über da Johr beendet.

Herzliche Dänk fürs zue lose.

7. Anträge der Mitglieder

Es sind keine Anträge eingegangen.

8. Wahlen

Martin Isler wird einstimmig wiedergewählt

Thomas Wirth wird einstimmig wiedergewählt

09. Jahresprogramm

Unser Jahresprogramm ist auf unserer neuen Homepage einsehbar, ebenfalls sind unsere Anlässe auf der Gemeindehomepage aufgeschaltet.

14.05.2026 Risottoplausch
03.07.2026 Sommerfest
Dezember 2026 Chlaushöck

10. Verschiedenes

Stefanie bedankt sich bei all den vielen Helferinnen und Helfer und schliesst die GV.

Ende der GV: 20:25 Uhr

Verantwortlich für das Protokoll: Andrea Burtschi